

敬業堂詩集

三

敬業堂詩集卷四十目錄

長告集

元旦朝回 御賜酒肴果品二席中使賫至臣家

感 恩恭紀

周桐野前輩貽畫卷一副

開會皆白子也戲占一絕句

病風

瀆山酒海歌并序

恭和 御製咏易槍原韻

正月二十五日奉 旨停免內直仍赴翰林院供

職恭紀

二月朔日碧桃盛開

初假十四韵

盆中新種幽蘭忽吐一花

病枕喜作十二韵

元立上人淮陰張氏子幼

隨父客京師父歿權厝天津且死屬其子曰必

反吾骨故鄉時元立甫九歲貧不能自存去而

為僧得法于平陽畫公今五十年矣辛卯秋徒

跣北來求父葬處天津瀕海沙水衝激殆不可

辨有里老張姓者依稀指其處登視墓磚在焉

桐棺無恙將奉以歸葬相見京師乞一言紀其

事爰贈以詩

獨坐聞孤雁

清明日偕馮卯君馬素村沈駟襄家言思諸孝廉

及兒建出右安門小飲祖園水亭有懷城西舊

遊

三月十五日 恩賜翰林

院講讀編檢諸臣松花江綠石硯中使宣旨

查慎行吳廷楨廖廣謨宋至吳士玉五人向在
武英殿纂修着揀式樣佳者給與 慎行得獲
龍大硯一方恭紀二十韵

曉出西郊

偕德尹潤木信安兒建孫

祈過摩訶菴看杏花主僧乞詩留題一絕

再疊韵一首

廣濟寺看海棠同涂雙菴

徐壇長次杜牧之街西詩韵

是日再過廢菴同年寓園看海棠兼招王樓村

荷陰清暑園揆院長屬賦四首

送陳絨菴前輩視學山東二首

展假戲簡吳山綸薄聿修陳世南三同年

德尹招同人飲寓庭紫藤花下

陳子萬七十壽令子履中孝廉來乞詩

題汪額三騎驢圖即送其赴醴泉縣任二首

同年王樓村嘗夢至一處梅花滿庭有一老人杖

而入以杖數樹云此十三本以付汝汝若饑時

但喫梅花便是神仙地位也覺而屬禹司寶慎

齋畫十三本梅花書屋圖壬辰四月樓村官罷

將出都以圖索句作歌贈之

因病展假院長揆公遣車邀至郊園用義山詩作

起句

院長和前韵謂余將乞長

假特寓留行之意再疊韵奉答

自怡園藤花

曉起聞鶯聲次院長原韵

雨後觀芍藥再呈院長

開汪紫滄同年出獄

鶴卵次院長原韵

送孫洪九之任瓊山兼簡瓊州守林碧山

平陽太守孔彞仲六十壽詩

賦得忍冬花送樓村同年南歸分韵得群字

以釋門五經約註送院長有詩見謝即次來韵奉

酬

送史傲弦前輩視學粵東

二首

晚香齋畫卷紅椒上人屬

題二首

羅浮五色蝶院長屬賦

送院長揆公隨 駕避暑山莊

把犁圖爲汪荇洲前輩題二首

題從孫恒侯雲岫觀日出圖

送陳鍾庭前輩由學士督學畿輔二首

送唐次衣庶常省覲歸揚州次安溪相國原韵

湯西厓前輩自通政改授翰林掌院學士時奉使

嶺南未歸馳詩寄賀兼述鄙懷八首

送同年宋山言視學兩浙

院長自口外寄餉溪魚山藏

兒建舊任東鹿令自補部郎每生日邑之士民不

憚六百里走京師製屏幃爲壽遇余誕辰亦然

無以酬之作詩以示不敢當之意

百日假滿歸心未遂排悶成篇

偶閱雪關酬和詩輒效其體作十偈寄晚香上人

久旱得雨

雨中院長送塞山赤藤杖

至兼以詩索和次原韻

題徐壇長庶常竹趣圖

題陳希聖然菴圖

題達履中東郊尋梅圖

夏水

余歸志已決而行在信至

院長固欲相留再呈一律以申前請

自怡園荷花四首

長律一章寄祝座主清溪

徐公九十壽

寄祝梅定九徵君八十壽

安溪相國屬和

題王石谷杏花春雨圖

安溪相國見示紀家難述舊德詩敬題長律五十

二韵

雨中過林鹿原梁園寓齋

二首

客有笑余乘驢車者賦此

畲之

顧俠君庶常招飲晚翠閣

次東坡白鶴峰新居將成夜過程秀才二首韵

院長寄馬尾蠅拂子

寄祝胡東樵八十壽清溪

大司寇屬賦二首

立秋前一日馮卯君同年

招遊焦沙道院

題四明萬開遠冰雪集後

故友貞一之子也

題亡友吳商志遺像

立秋後七日偕周桐野宮恕堂錢桐菴張日容繆

湘芷林鹿原顧俠君郭雙村家香蒲潤木兩弟

再集樵沙道院用白香山遊開元觀韵

題明興安州牧金公與游擊唐通手書後公諱之

純字健之黃州廣濟人

德尹舉第二子同學數人贖錢爲湯餅之會席上

口占四首

種竹詩四首次晚香長老

韵

院長寄惠鮮鹿脯及拓綠

魚腊僕以轉餉周桐野明日枉詩見謝奉禽四

絕句亦如來詩之數

桐野又示七律一章謂前詩不必寄院長再次來

韵

題杜子綸庶常填詞圖二

首

送楊冠三同年赴任餘杭

兼訂徑山之遊二首

爲人題舉綱圖

題王石谷瀟湘雨意圖卷

同年劉大山生子名曰阿雷索詩爲贈

商丘宋冢宰八十壽燕詩

同年盛東田餉青笋徑茶賦謝

題東田志行詩草後即次見投原韵

題天山坐鎮圖送胡洛思僉事備兵肅州

題陳季方詩冊

兒建乞假挈累先歸老人

行期未定悵然有作

題朱漢源佩劍圖

東田同年忽戒作詩昨日

過我賞菊醉後復破戒以詩來索和章戲次原

韵

藥酒初成

謝院長惠人浸三首 老人夜臥患足冷以錫爲

壺貯熱湯二三升許納被窩中資其餘溫可以

達且俗名湯婆子宋王晦叔有味脚婆詩黃山

谷詩中所云暖足餅即此也冬來用之甚適戲

贈以詩

送盛東田出宰興化四首

桐鄉友人至傳長孫興祖舉子及接家信乃生女

也口占解嘲二首 送德尹典試廣東二首

殘冬展假病榻消寒聊當呻吟語無倫次錄存十

六首

自題癸未以後詩葉四首

題鄒古愚望日圖小影二首

歲杪自嘆二首

周桐野前輩以隋龍藏寺

碑拓本見貽二首

敬業堂詩集卷四十目錄

敬業堂詩集卷四十

海寧 查慎行 悔餘

長告集起壬辰正月
盡十二月

辛卯臘月左手病風今春漸及右臂蒙 恩停免

內直始得因病乞假前後滿百日患猶未除適兩

院長俱遠出遂因循度歲昔白香山守蘇州時年

甫五十八而退居之計已決其詩有長告雖當百

日滿故鄉元約一年回之句未幾果歸又十年而

風疾作余今年六十有三患病在前請假在後出

處之際有媿昔賢多矣

元旦朝回 御賜酒有果品二席中使費至臣

家感 恩恭紀

玉笋班初散瓊筵 賜北扉忽傳 中使到正值早朝

歸仙液瓜梨胞哈蜜瓜東梨
皆異品也 春羹雉兔肥 一家同醉飽

元日拜 恩稀

周桐野前輩貽雲碁一副開奩皆白子也戲占

二絕句

朝來畫得紙爲枰一咲開奩賭不成遮莫先生寓微諷

不教黑白太分明

周天三百六十一奇偶中從太極分細玩君家舊圖說

有陽可得獨無陰

病風

香山臨老愁風痺詔諫多時患臂彎自分早衰宜速退
敢云同病比前賢三災有劫誰能免五苦無塵可怕纏
不學維摩佯示疾道場還作散花天

讀山酒海歌 并序

內西華門外西南一里許明朝御用監在焉又南數
十步爲眞武殿庭前老檜一株下有元時王酒海承
以石床玉色青碧間以黑章白暈旁刻魚龍海馬出
沒波濤之狀口面約廣三尺餘隨其質爲凹凸若荷
葉然形製朴古膚理溫潤中容四五石許壬辰正月
十九日偕雲間高不騫槎客往觀摩挲久之按元史
世祖紀至元二年十二月讀山大王海成勅置廣寒
殿輟耕錄云廣寒殿在萬歲山頂中有小玉殿內設
御榻左右列侍臣坐牀前架黑玉酒壺一車駕歲巡
上都先宴于此燕都遊覽志云今御用監中有小亭
亭內一玉缸體質頗潤中積水外以朱欄護之即廣
寒殿中物也槎客屬予紀其實因參考舊聞而系以
詩

雲間高生精賞鑒嗜古搜奇確且瞻朝來導我出西華
指點前朝御用監監南新剏玄都壇當門老檜青蛟蟠
舊聞酒海今落此共嘆體質猶堅完讀山巨璞初無價
誰遣不脛來輦下至元巧匠雕琢成萬歲山頭設高架
天然位置平不頗瑣窗八面開重阿石龍吸水上霄漢

倒瀉溢爲太液波波光翻動廣寒殿滿蹊滿陌映華瑱
侍臣多著質孫衣質孫無服見元史世祖紀天子親臨詐馬宴雷轉

星流四百年故都何物不推遷曾承沆瀣依天上流落

人間亦可憐亭虛無復朱欄護頽砌菊連鬆器庫天吳

跋浪鬚鬣張只與空庭飽風露君不見周爨商竿近來

無形製爭傳博古圖爲池爲海將安用咲爾幾同五石

壺

恭和 御製咏鳥槍原韵

鏊金浴鐵製新傳方丈光生掌握前命中巧踰弓入轂
發機竄並鳥爭先毛風血雨來千里電暉雷砲徹九天
一震餘威收有截坐令寰宇靖烽煙

正月二十五日奉 旨停免丙寅仍赴翰林院

供職恭紀

九年昨筆厠清班忝竊虛名祇汗顏瑣闥乍辭疑削籍
玉堂重到許投閒勞生分定升沈外 聖主恩深進退
間留取羽毛憐病鶴孤飛何日放教還

二月初日碧桃盛開

無數緋桃蕊齊開仲月初人情方最賞花意已無餘

初假十四韵

涉海疑無岸收帆喜有涯初諳閒氣味已攪病情懷長
假知難遽微名料易埋密藏虛白室高挂踏青鞋一榻
春將半孤踪世孰偕自延醫入座便少客升階似鵲肩

雙塌如籤指互排屈伸寧自主運用漸多垂藥餌聊投
水針鉗等刺柴簡編從度閑典校免科差臥久兼拋杖
僧來或勸齋老蠶甘蠶葉瘦馬嗜枯蕪即事安愚分餘
生戀廢骸幾時真大咲撒手向懸崖

盆中新種幽蘭忽吐一花病枕喜作十二韵

本草繙因藥旬來偶種蘭近根微取潤培土最宜乾愛
護新芽茁爬梳舊葉完連朝風習習昨夜露溥溥笑口
欣將拆花頭側未安一尖長計寸五出辦成單靜女晨
粧淡幽人翠袖寒香來殊不意夢好却無端客有逢知
賦周弘讓山齋賦吾方擬捺彈當門誰免忌入室雅相
驩竊逢知于綺季養蘭蘭芬莖所以養同心契漸難祇應賢
子弟佳氣滿門闌時德尹潤木信安諸弟俱在都下

元立上人淮陰張氏子幼隨父客京師父歿權

厝天津且死屬其子曰必反吾骨故鄉時元立
甫九歲貧不能自存去而爲僧得法于平陽晝
公今五十年矣辛卯秋徒跣北來求父葬處天

津瀕海沙水衝激殆不可辨有里老張姓者依

稀指其處發視墓磚在焉桐棺無恙將奉以歸

葵相見京師乞一言紀其事爰贈以詩

僧臘五十八當時九歲孤淒涼銜治命辛苦望泉壚鬼
守他卿魄兒存出世軀兩消生死憾含咲赴歸途

獨坐聞孤雁

風急天高片影孤水圍初脫尚驚呼是日行在初嫩水園蔣幸有單樓處莫入羣中更作奴

清明日偕馮卯君馬素村沈駟襄家言思諸孝廉及兒建出右安門小飲祖園水亭有懷城西舊遊

臥聞風日好暫起出郊垌歲有清明節人如聚散星烟光初上柳水氣欲生萍却憶名園路橋邊共踏青

三月十五日 恩賜翰林院講讀編檢諸臣松花江綠石硯中使宣 旨查慎行吳廷楨廖賡謨宋至吳士玉五人向在武英殿纂修着揀式樣佳者給與臣慎行得夔龍大硯一方恭紀二十韵

砥石青山麓松花碧水濱天文聯析木地產富琳珉蘊作巖間璞來爲席上珍自蒙官采擇頓發玉精神有用逢時出無瑕抱質純性剛偏漱潤膚膩不留塵露氣鮮流葉波光綠漾蘋銘辭周雅古荷有御書銘其辭曰以靜爲用是以永年

形製帝鴻新規矩方圓合廉隅節角勻雕龍由哲匠篋鳳貢儒臣賜現有泥金漆匣憶昨隨班久曾經拜 賜頒前在廷

兩葉須賜諭虞兼月給棐几亦時陳延閣披香夕山莊珥筆晨詩多呈 乙覽賦每達 楓宸自罷文昌直仍叨竊

祿因微勞蒙 記憶末路慰沈淪 優旨宣中使殊榮逮五人枯魚咸仰澤病樹稍知春臣分增慙惡 君恩

視咲頻捧歸憐手顫增重爲 綠綸

曉出西郊

小童晨出郭歸報杏花開病試經春展隣除過臘酷斜風吹巷陌細雨隔樓臺未遂田園計僧寮又一來

偕德尹潤木信安兒建孫祈過摩訶菴看杏花

王僧乞詩留題一絕

酒場詩壘付前塵不到精藍二十春今日眼昏花似霧僧雅誰識未歸人

再疊韵一首

弟勸兄酬不隔旬花前渾作一家春可能消得兒孫福

奉杖將車侍老人

廣濟寺看海棠同徐燮菴徐壇長次杜牧之街

西詩韵

滿城柳柳正藏鴉好事偕尋老衲家旂影愛飄新掃地

露痕初綻半開花畧宜步障遮濃日惜少鷗夷載後車

肯似旁人苦攀折一枝歸插帽簷斜

是日再過燮菴同年寓園看海棠兼招王樓村

笑口重開又一奇小堂南北万花枝同時被賞寧論晚

明日來看定悔遲無雨劇憐如許豔有風生怕不禁吹

惟應火急邀詩老趁取嫣紅撲酒卮

荷陰清暑圖揆院長屬賦四首

綠水亭南万綠楊一奩明鏡貯煙光自移玉井如船藕

高放花頭盡出牆

碧雲擎蓋午陰涼不獨花香葉亦香想見公門清似水
春棚飛近讀書牀

六月遊人汗汁融透肌一陣好涼風欲知魚樂看魚戲
長在田田翠影中

比似濂溪愛有加年年貪看畫中花直從葉點青錢後
剝過蓮蓬始到家先生每歲邑
促避暑故云

送陳絨菴前輩視學山東二首

頻年慎簡出宮坊公道能令士氣昌稽古榮歸儒者分
掄才難得聖人卿機絲合與金針度分判知從玉尺量
館閣同時皆屬目又看魁柄指東方

水壺貯質雪飛九清望今猶重此官絳帷風開三月後
紫躔光動五雲端蓬瀛盛事推粉社桃李新陰到杏壇
此去畿南纔七驛道旁迎謁盡儒冠

展假戲簡吳山掄薄聿修陳世南三同年

俸滿開坊及傭多請假頻雨中三月暮花外五湖春已
遠鷁鸞隊猶鸛麋鹿身好官如歲酒推讓少年人

德尹招同人飲寓庭紫藤花下

此藤此地初種時詩翁酌我索我詩藤為桐野手植者
今日周亦在座
藤今成陰花滿架吾弟重來宅其下夜來急雨雷闌闌
拓窗起看東南天雲頭解駁日穿漏紫氣散作濛濛煙
兩龍上走尾倒懸之而鱗爪紛盤旋佛光中現寶瓔珞

絳節珠幢朝曉仙笑渠主人負花癖治具典衣誇示客
酒徒一半招不來者留連窮日夕高燒紅燭臨前庭
燭燄浮動千娉婷忽然落藥墮杯面香入醉魂愁欲醒
十年万事經眼見況此旅寓如郵亭藤今得氣漸張王
而我與汝俱頽齡閒坊大可養衰疾官守幸已逖拘囚
飲雖小戶且滿引莫待鳥啄花飄零

陳子萬七十壽今子履中孝廉來乞詩

曾於郎署挹清風解組歸成鶴髮翁才子聲名喧輦下
故交書札到山中荆溪花萼排家集子萬與令兄其年
纔雲合刻家集
商洛烟霞屬寓公時子萬發
冢中州知是林泉能養壽自慙宦
跡尚如蓬

題汪顓三騎驢圖即送其赴醴泉縣任二首

結束翩翩西入秦也如懷縣著安仁杏園別有騎驢者
美爾幾同鶴背人今科進士俱留京教習不聽
電卿唐時進士皆騎驢故云
逸足曾登郭隗臺屈他作吏亦仙才三峯圖上逍遙意
又看昭陵召馬來昭陵在醴
泉管内

同年王樓村嘗夢至一處梅花滿庭有一老人

杖而入以杖數樹云此十三本以付汝汝若饑
時但喫梅花便是神仙地位也覺而屬禹司賓
慎齋畫十三本梅花書屋圖壬辰四月樓村官
罷將出都以圖索句作歌贈之

鴻臚禹子特好奇聞人說夢乃畫之寒梅繞屋十三本

一一著花無醜枝問渠此屋在何許異境云自華胥移
麗眉丈人野鶴姿指樹付汝汝不辭嚼花可使食無肉
仙者得之能藥飢覺來官舍冰雪冷滿牀簌簌香風吹
君家記光湖水湄柳繁梅少地苦卑買栽開徑良不易
梅性故與高寒宜然而畫葉出神授何必遠問孤山爲
但愁書多無屋貯莫嘆樹小看花遲浮生所遇率假合
剎那劫比阿僧祇幻中生幻想非想身外有身知不知
君今罷官歸有期遽遽形開夢者誰詩成擲筆吾自哂
區區紀夢何其痴

因病展假院長揆公遣車邀至郊園用義山詩
作起句

潼濱臥疾正無憐忽枉車音荷見招藥草去扶藜杖覓
楊花來飭酒旗飄不緣別夢三春隔已憚勞薪半日遙
重到名園知有分爲憐詩癖未全消

院長和前韵謂余將乞長假特寓留行之意再
疊韵奉荅

出處心孤不自憐當歸何待故人招花隨流水雖難住
絮到粘泥已倦飄塞馬楚弓紛得失遊鷗斥鷃各逍遙
獨餘門館酬恩地香山詩高家門館未酬恩結作癡癩未易消

自怡園藤花

朱藤春季花入夏已狼籍名園開較晚間作一句隔我
來若相待耀眼動魂舉頭千万梢梢梢上高格迴欄

三百步步步轉幽蹟中休得小亭未覺方丈窄花穠四
垂鬢葉厚平展席輕如榆穿錢小串低可摘重如鯢貫
柳繁縷紛難壁尾長或計尋莖短亦盈尺高褰俄作勢
密綴欲無隙南北交絲幃東西挂簾額采香蜂經營嚙
影魚跳擲紫雲烘暖霽不受日光炙旦晚顏色殊陰晴
氣候易主人有深意召此閒吟客方當豁襟抱兼用依
肴核擷之復湘之謂有噉花癖從公亦何幸醉飽且永
夕明歲花發時回頭莽陳迹

晚起聞鶯聲次院長原韵

煙條雨葉密難分曉曉聲從隔岸聞自出喬林爲求友
苦教獨客感離羣暗穿花徑如流水暖炙笙簧好竭雲
斗酒雙甘真不厭爲渠晨坐到斜暉

雨後觀芍藥再呈院長

夜來微雨曉來風多爲階前芍藥叢艷色可將何物比
賞心聊與故人同遲開分落群芳後獨秀慚居万綠中
莫以將離煩折贈兩年以來園中每有花開公必遣人折送此花不稱白髭翁

鶴卯次院長原韵

四生一墮想緣深陽鳥雙棲只在陰遺種也憐同羽族
托胎誰信有仙禽雲霄已具初生質渾沌猶全未鑿心
他日長鳴聽子和勿將雀鷲比淳音蘇明允詩雀鷲含淳音

聞汪紫滄同年出獄

忽傳 恩赦下蕭晨病枕初疑聽果真但是旁觀多感涕誰當身被不沾巾累朝豈少文章禍 聖主終全侍從臣莫怪兩家憂喜共十年同事分相親

送孫洪九之任瓊山兼簡瓊州守林碧山

異才資格外仕路有先機洪九在武英書局校錄去冬告竣特恩叙用得邑

莫辭遠着鞭如爾稀嶺雲雙鳥度海島一驅飛府主今賢者茲行得所依

平陽太守孔彞仲六十壽詩

十五年前識孔愉座中曾示武夷圖戊寅初夏余遊武夷時彞仲幸崇安

家承曲阜先師學郡領陶唐古帝都宦况祇聞琴配鶴

仙山猶憶烏爲鳧懸知北海開樽處酒釀蒲桃不用沽

賦得忍冬花送樓村同年南歸分韵得群字

鴛鴦亦有偶鸞絲亦有群本草忍冬一名鴛鴦一名鸞絲一名鸞藤一名鸞藤一名鸞藤一名鸞藤豈謂閱晨

莫遽看黃白分亭亭羞獨豔兩兩含清芬願保忍冬意

嗒焉吟送君

以釋門五經約註送院長有詩見謝即次來韵

奉酬

禪宗空諸無梵夾實諸有光同日月照瑞叶龜龍負新

舊譯兩伊一豈殊三九翻譯名義云西方有新舊兩伊猶此土之篆隸又云開羅具九

九只是三三九華珠其理常一五經大綱具五藏條目剖三十八万言

言言垂不朽大論云尼勒藏有三條二百二十万言佛在世時所造後人總論力少不能廣誦撰爲三

十八万聲明先釋詁明釋詁訓字詮目流別精理發智

母起教阿含先修行木义首明通徹牆壁解脫除枷杻散華與貫華慧悟非愚守多羅雖布葉溫鉢必尋藕我無廣誦力心地未離垢自從獲此書煩惱變蜆斗久知繆絨石猥欲珍享帚狂緣稍稍歇幸免怖頭走方丈寄一軀由旬視四肘有時或展閱默坐牢閉口先生愛我深采善每輒醜作詩相扣擊現此霹靂手秘笈敢自藏琅函往無咎願公調五味灌頂孰與偶眼界示空澄微塵悉抖擻琉璃無障礙當見山河否

送史傲弦前輩視學粵東二首

去作蓬瀛海上仙文昌八座本同躔一朝掌制推三世

万里持衡在兩年史典雲南卿試初回故云晨氣晴標瞻斗地虹光

夜發種珠淵蒼榕錦荔成陰徧桃李春風分外妍

鳳池重望屬宮端親見丹山振羽翰昨捧紫綸千騎

出尊甫儲相公於三年前奉命祭告南海新開絳帳万人看班香宋豔才

相擅蘇韓潮量校寬但是同朝誰不羨文章早達似

君難

晚香齋畫卷紅椒上人屬題二首

清流九派滙東湖湖上精藍傍弄珠三十年前遊似夢

黃花應笑白髭須癸亥客遊當湖始識上人于化城菴

晚香齋畫已流傳初白菴成未有緣世出世間留二老

把茅至竟讓誰先

羅浮五色蝶院長屬賦

我愛羅浮雙鳳子碧紗籠出看分明別從花底留仙種
不向林間關化生莊叟夢中渾未識滕王圖上總難名
祇疑園客蠶爲繭五色抽絲繡得成

送院長揆公隨 駕避暑山莊

上卿侍從有仙才 詔許攜家避暑來閒裏未妨披卷
過別前先知寄詩回灤魚味入三秋美塞草花多六月
開曾是往年同直地万峯回首隔蓬萊

把犁圖爲汪荇洲前輩題二首

宛轉橋通曲折溪綠陰南北岸東西玉堂不少栽花地
爲愛山村雨一犁

身占蓬池第一流却從跨鳳想騎牛山中宰相他年事
不要黃金畫絡頭用南史陶弘景傳中事

題從孫恒侯雲岫觀日出圖

雲岫家門山去家咫尺耳平生趾未到浪走千万里客
中看畫興飛騰老矣梯空力尚能桑榆欲挽扶桑景歸
作鷹窠頂上僧

送陳鍾庭前輩由學士督學畿輔二首

有無汲引上丹墀獨以文章結 主知奉使銜仍兼學
士持衡公不愧宗師朱衣院吏傳呼出白髮儒官載筆
隨好是年時車馬道兩行桃柳夾旌旗

春風入座藹然披形跡無嫌自絕私花月有時成邂逅
壺觴幾處記追隨戢鱗魚廁騰蛟地壘翼鷗眠浴鳳池

未敢出郊同祖餞聊憑折柳託新詩

送唐次衣庶常省親歸揚州次安溪相國原韵

紛紛冠蓋場勇者乃先去河橋万株柳攀折凡幾樹
九重亟儲材館選盛冷署新進半登瀛芸窗拓雲霧舊
來氷雪文詮次列州郡推著作手領袖竹知顧云胡
遽做裝矯首赴歸路足知學問力祿養猶孺慕白華古
義存至潔如飲露天際望南帆花間指西墅人生屬有
願官作蓬萍聚與君昨論交託契在未遇知我無若君
侵尋感末暮重來祇自悔余丁亥告假南歸次衣有送行叙久滯眞再
誤厚意久豈忘聊抒贈行句

湯西厓前輩自通政改授翰林掌院學士時奉使嶺南未歸馳詩寄賀兼述鄙懷八首

眷注 恩深出入偏重看名籍冠群仙文章舊價新增
重不礙來遲十二年先生于庚辰春由編修改諫垣
久推公望稔公才合到蓬山頂上來品秩不殊銜特換
北扉班歷大銀臺

同時領教得名臣程李欣傳拜 命新到此始知師席

貴錦袍分占兩家春明弘治中程望溪與李西涯同時領教西涯有詩云詞林盛事久相
仍師席達君喜不勝今先生與少司空探公奉 旨亦同教習庶吉士故云

望中一髮海天青暫借文星作使星莫被江山久留滯
無邊風月在頭廳唐翰林承旨所居第一間亦名頭廳在學士上今之掌院即承旨職也
詞林故事聞前輩誥勅玩須巨手裁便合還 朝稱閣

老文淵內署待公開舊傳文淵閣爲翰林內署詔開制院初不以內閣名每日與閣臣會食輪學士一人專掌誥勅多揆次入閣者故例稱閣老今蘇州有閣老坊乃吳鮑多爲學士時建

石渠天祿校書頻仍歲員多比積薪我是史官頭雪白末班猶領百餘人編檢條深無過余者

敢擬微之並樂天才名官職兩殊懸只除一事差相似恰比先生老七年余與先生年齒相去亦爾故得借用

病中未奉休官檄枕上先成寄遠詩計日乞歸應有分向來心事荷深知

送同年宋山言視學兩浙

與君隣牆居晤言實疎曠隔牆見高樹雙鶻巢其上連朝傳好音奉使開絳帳余方移疾臥君過問無恙握手起踟躕慰懷釋惆悵吾鄉十一郡山海饒氣象自昔不乏才名賢出輩行讀書想前詰指授不流浪長老尊所聞後生知所嚮家家承渠燠一一資蘊釀自從娶學袁科舉變時尚姚江矯斯弊絕學揭孤倡傳習到南雷淵源大流暢經緯以史文筆兩浩蕩秀水朱竹垞及慈溪姜西溟頤頤庶相伉爾來復誰繼耆老日凋喪舊舍任榛蕪多士將安仰君生公相家儒雅世宗匠商聲振河岳金石比清亮人稱詩滿囊自喜書歷擱此行執文枋獨力任闡障梗柟豫章材厥初視乎養植根在續學條蔓

莫亢長風先絕奔趨名亦戒標榜轉移良易事勢提登高唱徒從制藝論於衆非所望吾今老且廢記誦月就忘尚思炳燭光未肯頽然放平生姪直性語出常近謫歸去作州民菰蘆倘相訪

院長自口外寄餉灤魚山蕨

山澤珍難二者兼灤魚肥美蕨芽甜銀絲斫繪水調水錦帶宜羹雪點鹽私爲飽餐慙過分頻叨遠餉恐傷廉年來口腹眞相累此疾從今也要痊

兒建舊任束鹿令自補部郎每生日邑之士民不憚六百里走京師製屏幃爲壽過余誕辰亦然無以酬之作詩以示不敢當之意

古有歌來莫人今屬去思不聞循吏傳兼補白華詩宦蹟清殊愧民風厚可知年年四五月重甕到京師

百日假滿歸心未遂排悶成篇

乞歸無路且遲遲長告俄踰百日期已是膏肓成痼疾非關藥石少良醫飛鳥將子於誰止兒建先以病告馬爲駒只自啗轉覺君恩難報稱俸錢三万又虛糜

偶閱雪關訓和詩輒效其體作十偈寄晚香上人

耶舍在孕七日和修處胎六年那論後先遲速各人自有生緣造物爲爐爲炭衆生自灼自煎本來無垢無淨跳出湯

泉冷泉

馬鳴廣造論議阿難修集多羅一字不圖遮眼試教燒却如何

五百龍宮鶴衆他生盡是門徒切忌當頭着棒且須開手還珠

業感即迷即悟慧根何淺何深倚杖雖傷佛面投鍼便契師心

塔上鈴鳴何語牆頭幡動誰家禁得昆藍風力除非一角袈裟

一家眷屬何有木魅水怪山魃雖則門風高峻就中容得波旬

法要不關衣鉢禪宗易雜龍蛇東方入世避世康樂在家出家

童子燒香掃地厨人篩米搬柴此段作何消受老夫念佛持齋

八万四千偈子猛逢毒手多刪截斷口頭語句請師另逗機關

久旱得雨

聽說今年旱南連兗豫愁遺蟪仍出地宿麥已無秋得雨寧嫌晚如膏幸徧流黍苗多望澤莫但酒皇州

韻 雨中院長送塞山赤藤杖至兼以詩索和次原

孔光靈壽疑非倫冒雨猶煩送杖人倚賴扶持防滑路料量筋力好抽身鳩知祝咽先濡味龍欲騰梭早濯鱗不向街頭輕曳出撥開雲霧即狂塵

題徐壇長庶常竹趣圖

泉聲絕澗秋咽霜信空山早寒何物不當搖落此君獨占檀欒畫中千个万个賦裏三竿兩竿留取數間茅屋從教日報平安

題陳希聖然藜圖

閒拋万卷在巾箱多爲官書校勘忙眼大如箕君莫怪已將藜火比螢光

題達履中東郊尋梅圖

黃埃高壓城頭山老夫畏暑方掩關何來一幅好圖畫彷彿置我羅浮間圖中之人貌冰雪格與苦竹兩清絕從知托興在高寒不怕侵肌有炎熱因君振觸動歸心欲和孤山處士吟明年君放西湖棹但向梅花多處尋

夏水

一派方諸水來從石上流物無堅不化性有重還浮耐冷誰能踏乘炎勢易酬夏蟲渾可語吾欲詰莊周

余歸志已決而行在信至院長固欲相留再呈

一律以申前請

世味酸鹹別歸心老病交寧忘魚在藻其奈鶴思巢古有成人美吾非解客嘲願公全末路道在邇三爻

自怡園荷花四首

一片頗黎上下空芙蓉城現水精宮已離大地炎埃外
尚在諸天色相中未免情多絲宛轉爲誰心苦竅玲瓏
雲烘日炙如相試賴是清涼不待風

雕闌北面小亭有久坐真成透骨香翠羽拂奩開皎鏡
綠衣扶扇侍紅粧繁華肯鬪春三月澹蕩偏宜水一方
馬跡車輪尋不到別依淨域作花王

款蒲響雨午瀟瀟盡洗胭脂取寂寥一鷺偶依疎影立
雙魚忽破靜機跳輕橈劃浪紅翻岸高柳移陰碧過橋
宛在中央情脉脉微波咫尺去人遙

菱角雞頭漸滿池亭亭獨攬出塵姿難留雨露珠頻瀉
自拔泥汙性不縈老衲山中移漏處佳人世外改粧時
白頭相對歸心切欲捲江湖入小詩

長律一章寄祝座主清溪徐公九十壽

吳興自昔多耆舊人瑞今歸九十翁古殿靈光尊海內
歲星朗耀在江東龍門傳裏張丞相淇澳詩中衛武公
落落乾坤誰行輩明明朝野屬宗工韓歐著作奇而正
顏謝篇章麗且雄細入管城抽虎僕健踰弩矢射牛螭
文壇地望高于位談吐光芒亘若虹白雪調孤卑郢曲
朱絲絃直叶廂桐主張聲氣能延攬領袖儒紳待發蒙
李泌藏書借諸葛蔡邕秘本得王充頌琴拂拭知黃鵠
老研摩挲辨帝鴻却對友朋心轉小愛聽絲竹耳逾聰

人稱恭謹成家法客許周旋合禮衷什襲有囊多錦製
留題無壁不紗籠徧栽桃杏開芳徑新茁芝蘭壓舊叢
雅量風清兼月白閒情澗碧與山紅陸龜蒙里移茶竈
張志和家續釣筒峯倚百寮如畫幃泉疏半月是清淥
居鄰崑閬差相亞道在神仙必可逢憶昨歲當京兆試
吾師力具大臣風如網獨挈收羅廣比鏡虛懸藻鑑融
拔茹心傾非黨援掄才典鉅本公忠肯教誦談清清濁
特荷 君恩見始終存問屢承 中旨渥晉階還校在
朝隆壺漿出境迎千里几杖同時授 兩宮已勅天厨
供飲膳復頒 宸翰示褒崇衣冠盛事推華皓扶掖餘
榮逮僕僮入洞雲霞雙蠟屐五湖烟月片青蓬種魚蘋
末看群戲養鶴松梢待上翀自信結胎從混沌寧煩訪
道到崆峒千莖雪變丹爐火百煉鋼銷赤堇銅下士口
傳非要訣至人踵息有深功蒞珠乍轉時三扣瓊液閒
拋偶一中黃髮高堂老宗伯黑頭子舍大司空抱來膝
上皆文度呼出尊前悉任童成器固知由哲匠學筮旋
喜作良弓虞庠久見孫曹入洛社稀聞橋梓同兩寺高僧
招遠永五君新咏削濤戎阮宗大小分南北裴眷東西合
毫种雨過籬根采黃菊霜餘渡口賞丹楓小春晴暖梅
先報十月溫和水未凍 屏展彩蟾金的鑠杯浮綠蟻
王玲瓏遠從翠島尋琅玕近向玄都覓綺蔥賤子受知
非一日微官托跡類孤蓬執經曾附三千士篋曆俄周

十二蟲常願籃輿隨靖節敢云藥物備行冲升沉分已
安岐路進退心惟撫薄躬寸簡迢遙馳北闕辦香親切
奉南豐秋來準擬求長假歸去猶思效祝蒿屈指稱觴
期可剋門牆雖峻往來通

寄祝梅定九徵君八十壽安溪相國屬和

穀參河洛在先天絕學今猶見一賢訪道早承 君相
問著書老望子孫傳管中窺豹知千古扶頂安鳩又十
年翁本西京仙尉後世家仍合號梅仙

題王石谷杏花春雨圖

溪光汎汎山濛濛杏花十里五里紅此時江南新雨足
農事未起春方中我愧不如把釣翁小舟閒泊菖蒲叢
又愧不如卅角童騎牛踏徧村西東無端乃被一官縛
坐令畫圖之景到眼成虛空還渠自向高堂挂報我歸
期行已屆但吟初白老翁詩何必耕烟散人畫

安溪相國見示紀家難述舊德詩敬題長律五

十二韻

相國勲猷盛旂常日月邊廟堂調鼎鼎寰宇靖氛烟却
自承平際追思開創年安溪城僻左瘴海地連綿劇盜
營三窟官軍敗雨甄縣疆騷永德郡界躡漳泉挺險猿
猱捷潛蹤蜂蠆懸最難防出沒多是困迫邇村落胥波
蕩深山亦蔓延公家時避匿叔姪被拘學弱肉疇能保
強宗孰與聯間關歸仲父急難見英賢虎口危將探鰥

原痛莫渝試憑三寸舌行挾一空拳本擬辭相奪終知
怙不悛脫身思變計除惡要兵權豈有田橫客俄揚祖
逃鞭一呼童僕應兩志弟昆堅買劍招莊戶椎牛出牧
田誓詞情款款義憤涕連連首以身衝賊誠堪十當千
拔孤惟恐後集矢共爭先是夜昏迷路其時霧塞天彼
愚驕恃衆我怒勇躋巔岩谷聲搖動風雲氣接連夢魂
充膽裂頭尾亂屍填鼠穴還深鬪鳥巢又繼燃曳柴妻
子棄委壑糗糧捐牙藥俱殲矣根株移拔焉向來投死
地何敢冀生還失喜經年陷仍看十口全親朋節酒會
官長插花筵赴敵雖倉卒成功詎偶然衣冠森介冑臂
指儼戈鋌遂使鴟張勢翻爲撲滅緣節奇因險著事往
賴人傳屬者當藩逆先生適錦旋料其情必軼聊復分
相牽懇切迎師表辛勤伐叛箋蠟丸宵入奏露布曉還
宣自爾蒙 恩重因之嚮用專畫轅開八座黃閣入三
還忠孝培逾厚流風久慮湮伏陳家事仰荷 聖衷
憐 賜額旌閭里分榮貴豆蓬鄰評公可采國史實宜
編表表推名杰煌煌紀大篇時無門比峻家有筆如椽
閱歷千戈畔分明指顧前境具由目擊痛定尚心悄示
後言何苦光前道不愆會須鑄琬琰餘澤永拓椿

雨中過林鹿原梁園寓齋三首

西家井底窺天小東家樓前瞰地寬一雙病眼無處豁
且冒雨出尋蘇端

人言進士不得進用太白詩自詭書家嬾侍書呼朋日飲坐無事豈謂有愁煩破除

梁園水通虎坊橋及見老柳垂千條三十年來太搖落憑欄雨急風蕭蕭

客有笑余乘驢車者賦此畲之

遇酒逢花便出遊蹄間一尺駕輕輶泥塗安穩偕僮僕灰洞馳驅讓馬牛得免徒行猶有愧更爭先路欲何求冗官只笑騎驢客老向天衢閱八驛

顧俠君庶常招飲晚翠閣次東坡白鶴峯新居將成夜過翟秀才二首韵

怪底東吳顧文學才名今始透春開偶移種竹栽花地如在廉泉讓水間更上一層宜有閣特開西面爲看山滄州酒釀南烹潔每到君家醉飽還

萬卷書多插架仍肯教輕棄短檠燈簾前涼以三更雨屋裏清于六月冰朝爽不名名晚翠開官何似似高僧依稀宣北坊西角鴻爪留泥我亦曾癸酉夏秋間余寓居此巷

院長寄馬尾蠅拂子

千條宛轉縮初成便有風從繞指生柄短不勞犀作骨尾長仍借麈爲名禪門付法今尤濫人世清談久見輕欲效驅除苦無力青蠅當暑正營營

寄祝胡東樵八十壽清溪大司寇屬賦二首

吳羗山色鬱然青中有元家野史亭人指所居爲福地

天留此老應文星河汾業盛傳三世夾漈功高在六經千尺喬松多美蔭重看蘭王繞階庭

尚書北面舊稱師司寇公少受業于先生碩果西吳更有誰著述久歸三館貯才名曾受九重知烟波放艇懷清雪風

雨連牀記莫釐庚午秋冬先生在洞庭見說精神猶健東山書局余獲追隨

在杖朝不異杖鄉時

立秋前一日馮卯君同年招遊樵沙道院

抱病儻半載閒居治幽憂故人憐我衰招赴城南遊樵沙古道觀風氣清瀏瀏東南烟靄交野色翠若浮短牆俯而瞰下有瓜芋疇入門樹干霄檜栢榆槐柳涼蟬一聲嚙天地殿以秋微颺自北來大火方西流談諧雜坐臥几席兼余稠豆遵既靜嘉旨酒亦思乘二馮乃舊好卯君淳熙唐斯萬留士施如唐萬斯洵良儔兒孫胥在眼弟姪互勸酬置我于其間頽然一白頭主人誼良厚欲起每被留試問勢利交有此摯性不浮雲翳空虛聚散豈自由且爲六時樂用豁窮年愁

題四明萬開遠冰雪集後故友貞一之子也

孟郊歿後千餘載苦語何人更別裁風雅道衰無至性海山地大得奇才翻瀾涕淚隨聲出徹骨冰霜煉句來竊喜故人還有子一編浮白爲渠開

題亡友吳商志遺像

每過南湖畔傷心是勾園吾猶識前輩君克肖家尊余少

時侍先大人於承都及見尊甫培園先生 彷彿生前影淒涼
後魂風塵弄回首耆舊更誰存

立秋後七日偕周桐野宮恕堂錢綱菴張日容

繆湘芷林鹿原顧俠君郭雙村家查蒲潤木兩

弟再集樵沙道院用白香山遊開元觀韵

未忍別朋友乃如戀京師循環互主賓荏苒淹歲時自

我爲此會四三年於茲中間小聚散比復相追隨心閒

耳目清地曠花卉滋手攜白藤杖笑倚青松枝林風有

餘涼襟袂快一披暮收鞭白日西走不稍遲顧惟衰病

身乞歸行有期但恐出處跡從今遂參差兄弟幸無遠

是日潤本治具羣公莫告疲聊希達士達仰托知音知

題明興安州牧金公與游擊唐通手書後公諱

之純字健之黃州廣濟人

公守興安日明當甲戌年廟堂全局壞山谷一城堅餉

匱雖難給民貧實可憐飛書留片紙辛苦想籌邊

德尹舉第二子同學數人釀錢爲湯餅之會席

上口占四首

湯餅筵前賀客俱爭誇老蚌出雙珠大兄已識之無字

箇是徐卿第二雛長名佛抱今年已上學

又見添丁喜可知衝筵不怕衆賓嗤一錢舊是看囊物

半月前頭助洗兒

兒生亦是壬辰歲恰後而翁六十年便作小同呼也得

可憐花甲一周天

吾年十九初生子子又生孫已就婚余長孫與祖三年前已就婚雲夢

慙愧比渠多兩世滿頭白髮望曾孫

種竹詩四首次晚香長老韵

竹本淇渭材移根到燕土有如傳衣人微命絲一縷傳衣之人命如懸絲五福獨付六種諸買栽當六月正值濯枝雨生意盎然

回定僧爲起舞

瘦鞭走空庭無筍可汝口齋厨貧少味待得明年否未

訂歲寒交聊充消夏友青冥長在望苦節須自守少陵亦自守

袖銜種竹詩戴笠晨過我秋涼約往看我意大肯可詩

好書復佳展開風滿坐因之悟畫理如對鐵鉤鎖

痴人戴凱之作譜搜方志欲收山谷產盡作樊籬寄寓

目何用多三竿兩竿翠竹如領此語爲我發清吹

院長寄惠鮮鹿脯及柘綠魚腊僕以轉餉周桐

野明日枉詩見謝奉舍四絕句亦如來詩之數

柳貫紅腮火燎毛 賜腥曾記潤脂膏而今老病如枯

腊地主思同菜把叨

即鹿何須更入林得魚原不費猷針殷勤爲謝南來使

已少臨淵見獵心寄院長

水陸郇厨厭饌頻腹腹尾血取鮮新勿嫌薄饋分乾噬

也當貧家作主人